

妙法蓮華經觀世音菩薩

普門品第二十五

世尊妙相具 我今重問彼 仙子何因
緣 名為觀世音 具足妙相尊 偈答無
盡意 汝聽觀音行 善応諸方所 弘誓
深如海 歷劫不思議 侍多千億仏 発
大清淨願 我為汝略説 聞名及見身
心念不空過 能滅諸有苦 仮使興害
意 推落大火坑 念彼觀音力 火坑變
成池 或漂流巨海 龍魚諸鬼難 念彼
觀音力 波浪不能没 或在須弥峰 為
人所推墮 念彼觀音力 如日虚空住
或被惡人逐 墮落金剛山 念彼觀音
力 不能損一毛 或值怨賊繞 各執刀
加害 念彼觀音力 咸即起慈心 或遭

王難苦 臨刑欲壽終 念彼觀音力 刀
尋段段壞 或囚禁枷鎖 手足被桎械
念彼觀音力 釈然得解脫 呪詛諸毒
藥 所欲害身者 念彼觀音力 還著於
本人 或遇惡羅刹 毒龍諸鬼等 念彼
觀音力 時悉不敢害 若惡獸圍繞 利
牙爪可怖 念彼觀音力 疾走無辺方
蛇及蝮蠍 氣毒煙火然 念彼觀音力
尋声自回去 雲雷鼓掣電 降雹 大雨
念彼觀音力 応時得消散 衆生被困
厄 無量苦逼身 觀音妙智力 能救世
間苦 具足神通力 広修智方便 十方
諸国土 無刹不現身 種種諸惡趣 地
獄鬼畜生 生老病死苦 以漸悉令滅
真觀清浄觀 広大智慧觀 悲觀及

慈觀 常願常瞻仰 無垢清淨光 慧日
破諸闇 能伏災風火 普明照世間 悲
体戒雷震 慈意妙大雲 甘露法雨 滅
除煩惱焰 諍訟經官處 怖畏軍陣中
念彼觀音力 衆怨悉退散 妙音觀世
音 梵音海潮音 勝彼世間音 是故須
常念 念念勿生疑 觀世音淨聖 於苦
惱死厄 能為作依怙 具一切功德 慈
眼視衆生 福聚海無量 是故忝頂禮
爾時持地菩薩 即從座起 前白 仏言
世尊 若有衆生 聞是觀世音菩薩品
自在之業 普門示現 神通力者 當
知是人 功德不少 仏說是 普門品時
衆中八万四千衆 生 皆發無等等
阿耨多羅三藐三菩提心

Wish _____

Name _____

Date _____